

Putovanje s kućnim ljubimcima (psima, mačkama)

Planiranje i priprema ključni su za uspješan odmor s vašim ljubimcem, Uprava za inspekcijske poslove Kantona Sarajevo je pripremila par savjeta kako bi vam olakšala putovanje sa ljubimcem.

Prvi korak

Posjetite svog veterinara i posavjetujte se sa njim o tome je li vaš pas/mačka sposoban za avanturu. Životinje s ozbiljnim zdravstvenim problemima ili problemima u ponašanju trebaju ostati kod kuće. Isto vrijedi i za starije pse/mačke i štence/mačiće koji još doje ili nisu u potpunosti cijepljeni. Određene pasmine pasa ne mogu ući u određene zemlje koje zabranjuju neke pasmine, obično one koje se stereotipno smatraju agresivnima. Svaka država također može izraditi vlastita pravila po pitanju određenih pasmina, i ako zemlja odobrava ulazak rase vašeg ljubimca, aviokompanija možda neće npr. Brahicefalne pasmine zabranjene su od strane većine zrakoplovnih kompanija zbog njihovih poteškoća s disanjem, provjerite sve informacije prije putovanja.



Drugi korak

Upoznajte se sa pravilima i zahtjevima o ulasku kućnih ljubimaca države u koju putujete. Svaka država postavlja vlastita pravila za ulazak živih životinja. Neke zemlje zahtijevaju da svog ljubimca stavite u karantenu na nekoliko tjedana do nekoliko mjeseci. Druge zemlje mogu samo zahtijevati od vašeg veterinara da potpiše potvrdu o zdravstvenom stanju kako bi dokazao da je vaš ljubimac redovito cijepljen, dok neke zemlje zahtijevaju da putovanje prati nekomerčajni certifikat izdat u zemlji porijekla.

Treći korak

Provjeriti da si su svi uslov ispunjeni jer uz nekoliko iznimaka, vaš ljubimac može putovati s vama u drugu zemlju nesmetano ako ima:

1. **mikročip** (u skladu s tehničkim zahtjevima Pravilnika o identifikaciji i vođenju evidencije pasa, mačaka i pitomih vretica u Bosni i Hercegovini "Sl. Glasnik BiH" broj 96/16) ili **jasno čitljivu tetovažu** ako je postavljena prije 3. jula 2011.
2. **dokaz da je cijepljen protiv bjesnoće** i da je proveden tretman protiv trakavice *Echinococcus multilocularis*, isto vrši ovlašteni veterinar u ovlaštenoj veterinarskoj organizaciji.
3. **valjanu BiH putovnicu (pasoš)** za kućne ljubimce, koja se izdaje u skladu sa pravilima propisana u Pravilniku o identifikaciji i vođenju evidencije pasa, mačaka i pitomih vretica u Bosni i Hercegovini "Sl. Glasnik BiH" broj 96/16 od strane ovlaštenih veterinara u ovlaštenoj veterinarskoj organizaciji.
4. **sve podatke upisane u BiH putovnicu (pasoš) preslikani u Državnu Bazu za kućne ljubimce** (u skladu s zahtjevima Pravilnika o identifikaciji i vođenju evidencije pasa, mačaka i pitomih vretica u Bosni i Hercegovini "Sl. Glasnik BiH" broj 96/16).



Četvrti korak

Za ulazak u EU ili EFTA-a članice potreban je **certifikat o zdravlju životinja**, ovaj certifikat o zdravlju životinja još je jedna vrsta dokumenta koji sadrži specifične podatke o vašem ljubimcu (identitet, zdravlje, cijepljenja protiv bjesnoće) i temelji se na standardnom modelu EU-a.

KAKO ZADUŽITI CERTIFIKAT?

Sve počinje i završava kod vašeg veterinara, sve gore opisane korake možete provjeriti i uraditi kod vašeg veterinara. Većina ovlašteni veterinar koji su uposleni u ovlaštenoj veterinarskoj organizaciji na području Kantona Sarajevo imaju ovlaštenje da zadužuju certifikate kod nadležnog tijela- Ureda za veterinarstvo BiH (koje izdaje obrasce certifikata) i provjeravaju, skupljaju dokaze, popunjavaju i certificiraju iste prema pravilima u pogledu međunarodnog prometa živim životinjama. Svaki certifikat koji se izda u ovlaštenoj veterinarskoj organizaciji na području Kantona Sarajevo podliježe proceduri ovjere i provjere certifikata i povezanih postupaka od strane Inspektorata veterinarske inspekcije Kantona Sarajevo.

U cilju olakšavanja procedure KUIP KS je izradio [Zahtjev za ovjeru certifikata za nekomerčajno kretanje kućnih ljubimaca](#) koji ste dužni popuniti uz zahtjev se prilaže:

- a) **valjana BiH putovnica (pasoš)** sa svim podacima prema Pravilniku o identifikaciji i vođenju evidencije pasa, mačaka i pitomih vretica u Bosni i Hercegovini "Sl. Glasnik BiH" broj 96/16.
- b) **certifikat** popunjen, certificiran i izdat vlasniku životinje od ovlašteni veterinar koji su uposleni u ovlaštenoj veterinarskoj organizaciji na području Kantona Sarajevo;
- c) **pisanu izjavu** iz članka 25. stavka 3. Uredbe (EU) br. 576/2013 uz certifikat
- d) **pisanu:**
 - i) **izjavu** iz tačke (a) članka 7. stavka 2. i članka 11. stavka 2. Uredbe (EU) br. 576/2013
 - ili
 - ii) **izjavu** iz tačke (c) članka 12. stavka 1. Uredbe (EU) br. 576/2013
- e) **dokaz** o svrhi putovanja kako je određeno u certifikatu Napomena broj 3. i
- f) **potpisanu izjavu** ovjerenu kod opštinskog organa da tokom boravka u EU ili drugim zemljama neće doći do prenosa vlasništva.

PRAVILA INSPEKTORATA VETERINARSKE INSPEKCIJE KANTONA SARAJEVO

Predaja zahtjeva prema KUIP KS se vrši u periodu od 10 ⁰⁰ h do 14 ⁰⁰ h na protokol KUIP KS u ulici Dalmatinska broj 2 ULAZ	Inspektorat veterinarske inspekcije Adresa: Sarajevo, Dalmatinska 2 Tel: +387(0)33 569-891; Fax: +387(0)33 569-890 https://kuip.ks.gov.ba/
Preuzimanje ovjerenih certifikata se vrši u periodu od 10 ⁰⁰ h do 14 ⁰⁰ h (idućeg dana odnosno 24h nakon predaje zahtjeva na protokol). IZLAZ	

Korisne informacije

[Pravila i informacije za sastavljanje i izdavanje certifikata za ulaza u EU sa kućnim ljubimcem](#)
[Pravila za izdavanje certifikata](#)
[EU rules on travelling with pets and other animals in the EU - Your Europe \(europa.eu\)](#)